

徐州府志卷之十八

人物一

自古偉人賢士名垂青史者初不以郡縣志之有無爲輕重乃郡縣志借之以重斯地耳自餘稗官野乘徃徃傳聞失實兼之執筆非人縱或人有可採而事蹟不明虛辭難信徐州舊志元明來正史外所載人物多此類也不得已爲刪潤存之若夫強分品目別部析居乃近志之陋例姜志獨合爲一是可取也惟流寓方技仙釋三者其人本未可合仍分載焉

徐州府志

卷十八

人物

一

銅

銅山縣

漢

季布楚人爲任俠有名項籍使將兵數窘漢王籍滅高祖購求布急布匿濮陽周氏周氏髡鉗布置布廣柳車中之魯朱家所賣之朱家心知季布買置田舍廼之雒陽說滕公爲上言之上乃赦布召見拜郎中孝惠時爲中郎將單于嘗爲書嫚呂太后太后召諸將議之上將軍樊噲曰臣願得十萬衆橫行匈奴中布曰樊噲可斬也以高帝兵三十餘萬困於平城噲時亦在其中今噲奈何以十萬衆

橫行匈奴中面謾太后遂不復議擊匈奴事孝文時布爲河東守人有言其賢召欲以爲御史大夫復有言其勇使酒難近至留邸一月見罷布進曰臣待罪河東陛下無故召臣此人必有以臣欺陛下者今臣至無所受事罷去此人必有以毀臣者夫陛下以一人譽召臣一人毀去臣恐天下有識者聞之有以窺陛下也上默然慙曰河東吾股肱郡故特召君耳布弟心氣蓋關中遇人恭謹爲任俠方數千里士爭爲死當時心以勇布以諾並聞關中

陸賈楚人以客從高祖定天下有口辯時中國初定尉佗平南越因王之高祖使賈賜佗印爲南越王賈至佗初魑結箕倨見賈賈因說諭之佗迺大說賜賈千金賈卒拜佗爲南越王令稱臣奉漢約束歸報拜大中大夫賈時時前說稱詩書高祖罵之曰迺公居馬上得之安事詩書賈曰馬上得之寧可以馬上治乎帝謂賈曰試爲我著秦所以失天下吾所以得之者及古成敗之國賈凡著十二篇每奏一篇帝未嘗不稱善稱其書曰新語後呂太后欲王諸呂賈往說右丞相陳平交太尉周勃

平用其計及誅諸呂立孝文賈頗有力孝文卽位欲使人之南越乃復以賈爲大中大夫徃使尉陀去黃屋稱制令比諸侯皆如意指賈歸竟以壽終朱建楚人故嘗爲淮南王黥布相有罪去後復事布布欲反時問建建諫止之布不聽遂反高帝旣誅布聞建曾諫賜號平原君徙家長安建爲人有口辯刻廉剛直行不苟合義不取容後爲辟陽侯審食其畫策孝文時使吏捕建欲治遂自剄

韋孟彭城人爲楚元王傅傅子夷王及孫王戊荒淫不遵道孟作詩風諫後遂去位徙家於鄒復作詩

徐州府志

卷十八

人物

三

銅

一章自孟至賢五世爲鄒魯大儒

伍被楚人或言其先伍子胥後也被以材能稱爲淮南中郎時淮南王安好術學折節下士招致英俊以百數被爲冠首久之淮南王陰有斜謀被數微諫後王召被欲與計事不從王怒繫被父母囚之三月復召問被數諫流涕不得已爲畫計後事發覺被詣吏自告卒被誅

申章昌字曼君楚人梁丁姓弟子傳穀梁春秋爲博士至長沙太傅徒衆尤盛由是穀梁春秋有申章

氏學

劉向字子政本名更生楚元王元孫年十二以父德任爲輦郎旣冠以行修飭擢諫大夫時宣帝招選名儒俊材置左右更生以通達能文辭預進對獻賦頌凡數十篇坐鑄作黃金不驗下獄得減死徵受穀梁春秋講論五經於石渠復拜郎中給事黃門遷諫大夫給事中元帝初卽位蕭望之周堪薦更生宗室忠直明經有行擢爲宗正給事中與侍中金敞拾遺左右四人同心輔政尋爲外戚許史及宦官恭顯所譖愬凡再繫獄免爲庶人乃上封事推春秋災異以救今事請放遠佞邪之黨壞敗

險詖之聚杜閉羣枉之門廣開衆正之路恭顯見之愈與許史比而怨更生遂廢十餘年成帝卽位更生乃復進用更名向拜中郎數奏封事遷光祿大夫時數有災異向以爲外戚貴盛王氏用事之咎乃集洪範五行傳論奏之天子心知向精忠然終不能奪王氏權又上疏諫營昌陵採詩書所載賢妃貞婦及孽嬖亂亡者序次爲烈女傳八篇以戒天子著新序說苑凡五十篇奏之數上疏言得失上雖不能盡用然內嘉其言常嗟歎之時上無繼嗣政由王氏出災異寢甚復上封事極諫天子

召見向歎息以爲中壘校尉向廉靖樂道

世俗專積思於經術自見得信於上故常顯訟宗室譏刺王氏及在位大臣其言多痛切發於至

上數欲用爲九卿輒爲王氏居位者及丞相御史所持故終不遷居列大夫官前後三十餘年年七十二卒子歆最知名向死後歆復領五經卒父前業集六藝羣書種別爲七畧欲建立左氏春秋及毛詩逸禮古文尚書皆列於學宮哀帝令歆與五經博士講論其義諸博士或不肯置對歆因遺書太常博士責讓之言甚切由是忤執政大臣出補

吏後仕王莽爲國師

龔勝字君賔楚人與龔舍相友並著名節世謂之楚兩龔少皆好學明經勝爲郡吏三舉孝廉以王國人不得宿衛補吏再爲尉一爲丞勝輒至官廼去州舉茂才爲重泉令病去官大司空何武執金吾閻崇薦勝徵爲諫大夫勝居諫官數上書求見言百姓貧盜賊多吏不良風俗薄災異數見不可不憂制度太奢刑罰太深賦斂太重宜以儉約先下遷丞相司直徙光祿大夫言董賢亂制度由是逆上指出爲渤海太守勝謝病免歸復徵爲光祿大

夫勝常稱疾臥數使子上書乞骸骨會哀帝崩王
莽白太皇太后使謁者僕射策詔之遂歸老於鄉
莽旣篡國明年遣使者奉璽書太子師友祭酒
印綬安車駟馬迎勝使者與郡守縣史三老官屬
人勝里致詔勝稱病篤使者要說至以印綬加
身勝輒推不受使者五日一與太守俱起居
爲勝兩子及門人高暉等言朝廷虚心待 宣有
行意勝自知不見聽卽謂暉等吾受漢家 恩亡
以報今年老矣旦暮入地誼豈以一身

見故主哉因敕以棺斂喪事語畢遂不復關口飲
食積十四日死時年七十九勝居彭城廉里後
刻石表其里門

劉平字公子彭城人本名曠顯宗後改爲 時
爲郡吏守菑邱長政教大行更始時天下 子弟
仲爲賊所殺平扶母逃難仲遺腹女始一歲平
仲女而棄其子曰方不能兩活仲不可以絕類遂
去不顧與母俱匿野澤中平朝出求食逢餓賊將
平叩頭曰今日爲老母求菜願得先歸食母畢
就死因涕泣賊見其至誠哀而遣之建武初龐
反於彭城攻敗郡守孫萌平時復爲郡吏 白

亦伏萌身上被十創號泣請曰願以身代府君賊乃斂兵曰此義士也勿殺遂解去後數日萌死平裹創扶送萌喪至其本縣後舉孝廉拜濟陰郡丞太守劉育上書薦平遭父喪去官服闋拜全椒長政有恩惠百姓懷感刺史太守行部獄無繫囚唯頒詔書而去後以病免顯宗初尚書僕射鍾離意上書薦平執性恬淡修身行義應在朝次徵拜議郎再遷侍中永平三年拜宗正數薦達名士在位八年以老病乞歸

劉般字伯興宣帝元孫也宣帝封子囂於楚是爲孝

王孝王生思王衍衍生王紆紆生般自囂至般積累仁義世有名節而紆尤慈篤早失母鞠養弟平及成人平病卒紆哭泣數月亦歿初紆襲王封值王葬篡位廢爲庶人因家彭城般數歲而孤與母獨居葬敗天下亂母與般轉側兵革中西行上隴流至武威般雖少而篤志修行講誦不怠建武八年將家屬東至洛陽修經學明年光武封般爲菑邱侯奉孝王祀使就國後以國屬楚王徙封杼秋侯十九年行幸沛詔問郡中諸侯行能太守薦般秉修至行爲諸侯師帝聞而嘉之賜般綬錢百萬

繒二百匹永平元年徙封居巢就國數年揚州刺史觀恂薦般在國口無擇言行無怨惡宜蒙旌顯顯宗嘉之徵般行執金吾事兼屯騎校尉建初二年遷宗正般在位數言政事尤能收恤九族時人稱之

劉愷字伯豫般長子般卒以當襲封讓與弟憲遁逃避封久之章和中有司奏請絕愷國肅宗美其義特優假之永元十年有司復奏之侍中賈逵上書言愷素行孝友謙遜潔清讓封弟憲潛身遠迹有司不原樂善之心而繩以尋常之法懼非長克讓

之風成含 之化和帝乃聽憲嗣爵徵愷拜爲郎遷侍中愷入朝在位者莫不仰其風行累拜司空太常元初二年爲司徒永寧元年致仕安帝始親政事朝廷多稱愷之德復拜太尉少子茂字叔盛亦好禮讓桓帝時爲司空以訟司隸校尉李膺等寃坐免建寧中復爲大中大夫卒於官
刁韙字子榮彭城人建和時爲侍御史坐朋黨禁錮後陳蕃被徵復拜議郎遷尚書在朝有鯁直節出爲魯東海二郡相性抗厲有明畧所在稱神常以法度自整家人莫見情容

三國吳

張昭字子布彭城人少好學通左氏春秋博覽衆書
漢末大亂昭渡江孫策命爲長史撫軍中郎將策
臨亡以弟權託昭權爲吳王敬禮彌重拜輔吳將
軍封婁侯昭容貌矜嚴有威風自權以下皆憚之
卒謚曰文昭子承以才學知名能甄識人物官至
奮威將軍封都鄉侯卒謚曰定昭弟子奮亦爲將
軍有戰功

嚴峻字曼才彭城人少耽學善詩書三禮又好說文
性質直純厚避亂江東張昭進之孫權以爲騎都

徐州府志

卷十八

人物

九

銅

尉及魯肅卒權以峻代鎮陸口峻固辭素書生不
嫻軍事後爲衛尉使蜀丞相諸葛亮善之著孝經
傳潮水論

蔡欵字文德彭城人爲張承所拔歷位內外以清眞
顯於當世後以衛尉領中書令封留侯
謝慈字孝宗彭城人撰喪服圖及變除論行世爲孫
奮傳相以直諫見殺奮坐廢爲庶人

晉

劉隗字大連彭城人漢楚元王交之後少有文翰起
家秘書郎彭城內史避亂渡江元帝以爲從事中

郎遷丞相司直委以刑憲屢有彈奏不畏疆禦累
拜鎮北將軍都督青徐幽平四州假節加散騎常
侍率萬人鎮泗口初隗以王敦威權太盛終不可
制勸帝出腹心以鎮方隅及敦作亂隗與刁協入
見奏請誅王氏不從遂奔石勒卒孫波字道則初
仕石季龍季龍死遂歸穆帝以爲襄城太守累遷
散騎常侍

劉訥字令言隗伯父有人倫識鑒初入洛見諸名士
歎曰王夷甫太鮮明樂彥輔我所敬張茂先我所
不解周宏武巧於用短杜方叔拙於用長訥終於

司隸校尉訥子疇字王喬少有美譽善談名理永
嘉中位至司徒左長史爲閩鼎所殺司空蔡謨每
歎曰若使劉王喬南渡司徒公之美選也王導拜
司徒歎曰劉玉喬若過江我不獨拜公也其爲名
流所推服如此疇兄子劭有才幹咸康世歷御史
中丞侍中尚書豫章太守劭族子黃老太元中爲
尚書郎有義學注慎子老子行於世

劉牢之字道堅彭城人曾祖羲以善射事武帝歷北
地雁門太守父建有武幹爲征虜將軍世以壯勇
稱牢之面紫赤色鬚目驚人而沉毅多計畫太元

初謝元北鎮廣陵時苻堅方盛元多募勁勇牢之以驍猛應選爲叅軍領精銳爲前鋒百戰百勝號爲北府兵敵人畏之淮淝之役苻堅將梁成以二萬人屯洛澗牢之以精卒五千距之去賊十里成阻澗列陣牢之直進渡水臨陣斬成堅尋亦大敗牢之進平譙城遷龍驤將軍彭城內史進屯鄆城引兵救苻丕爲慕容垂所敗徵還守淮陰復戍彭城領太守王恭將討王國寶引牢之爲司馬已及恭後舉牢之背恭歸朝廷恭旣死遂代恭爲都督兗青冀幽并徐揚州晉陵軍事還鎮京口及孫恩

陷會稽牢之進號鎮北將軍率衆討平之後與桓交通尋爲 所圖自縊死

劉敬宣字萬壽牢之長子也八歲喪母晝夜號泣四月八日見衆人灌佛乃下頭上金鏡爲母灌像因悲泣不自勝桓序嘆息謂牢之曰卿此兒非唯爲冢之孝子必爲國之忠臣孫恩之亂隨父征討所向有功爲元顯諮議叅軍又爲桓元諮議叅軍牢之敗與廣陵相高雅之俱奔慕容超桓元得志敬宣曉天文知必有興復晉室者尋夢丸土服之旣覺喜曰丸者桓也桓旣吞矣吾當復本土乎元敗

遂還京師爲晉陵太守遷江州刺史鎮尋陽義熙五年宋武帝伐慕容超除中軍諮議叅軍大破超軍進圍廣固屢獻規畫仍從南討爲左衛將軍後領冀州刺史爲其叅軍司馬道賜所害

南北朝宋

劉懷肅彭城人宋武帝從母兄也家世貧窶躬耕好學仕晉爲費令聞武帝起義棄縣來奔京邑平定振武將軍道規桓元以懷肅爲司馬連破城壘桓振據荊州懷肅自雲杜兼程七日而至振勒兵三萬旗幟蔽野躍馬橫矛躬自突陣流矢傷懷肅額

徐州府志

卷十八

人物

十二

銅

衆懼欲奔懷肅瞋目奮戰於是士卒爭先臨陣斬振首江陵平爲輔國將軍淮南歷陽二郡太守又領劉毅撫軍司馬以建義功封東興縣侯卒贈左將軍弟懷敬武帝以其母乳養舊恩累見崇授至會稽太守歷尚書金紫光祿大夫懷敬子眞道爲錢唐令有美政元嘉中爲梁南秦二州刺史討破楊難當爲建威將軍雍州刺史

劉懷慎懷敬弟少謹慎質直從宋武帝征伐位徐州刺史爲政嚴猛境內震肅以平廣固盧循功封南城縣男永初元年以佐命功進爵爲侯位五兵尚

書加散騎常侍大中大景平元年遷護軍將軍
祿賜頒於宗族家無餘財卒謚肅侯庶長子榮祖
少好騎射爲宋武帝所知以戰功叅太尉軍事帝
北伐轉鎮西中兵叅軍水軍入河與朱超石大破
魏軍於半城帝大饗將士謂榮祖曰卿以寡尅衆
攻無堅城雖古名將何以過此永初中爲輔國將
軍追論半城功賜爵都鄉侯卒於官

劉簡之彭城人世居京口有志幹爲宋武帝所知帝
將謀興復收集才力之士嘗再造簡之會有客簡
之悟意謂弟虔之曰劉下邳再來必當有意旣不

得語汝可試往見 虔之至武帝已尅京口虔
之卽投義簡之聞 耕牛會衆以赴之位太尉
諮議叅軍弟謙之 撰晉紀二十卷位至廣州
刺史大中大夫 財好施爲江夏相從宋武
帝征司馬休之追 南秦二州刺史封新康縣
男

劉鍾字世之彭城人 有志從宋武帝征伐盡其
心力及義旗建拔 郡主簿後除南齊國內史封
安邱縣五等侯從 固孟龍符於陣陷歿鍾直
入賊營取其 循逼建鄴鍾拒柵身被重

創賊不得入循 與劉藩追徐道福於始興斬
之後隨朱齡石 為前鋒勸齡石急攻齡石從
之遂平成都以廣 功封永新縣男累遷右衛將
軍

劉遺民彭城人嘗為 令後遁跡廬山與陶淵明
周續之皆不應徵 之尋陽三隱

到彥之字道豫彭城 人從宋武帝以戰功封佷

山縣子進爵為侯 荆楚垂二十載威信為士

民所懷元嘉中封 縣公遷南豫州刺史鎮歷

陽卒謚曰忠

徐州府志

卷十八

人物

十四

銅

陽瓚彭城人仕宋為寧 司馬濮陽太守佐東郡太

守王景度守滑臺永 三年魏主嗣自率眾至方

城悉力攻滑臺城東 崩壞王景度出奔瓚堅守

不動眾潰抗節不降為魏人所殺少帝追贈給事

中賜絹百匹粟三百斛文士顏延之為之誄

見宋書索

虜傳及
文選

劉康祖虔之子便弓馬智力絕人襲封拜員外郎孝

武為豫州刺史鎮歷陽以康祖為征虜中兵參軍

魏太武攻圍汝南文帝遣諸軍掾援康祖總統前

驅奮擊破之太武燒營退走遷左軍將軍後與魏

軍戰歿贈益州刺史謚曰壯

劉道產簡之子初爲無錫令襲爵晉安縣五等侯元嘉三年累遷至梁南秦二州刺史加都督在州有惠化後爲雍州刺史領寧蠻校尉加都督襄陽太守善於臨職在雍政績尤著蠻夷前後不受化者皆順服百姓樂業由此有襄陽樂歌自道產始也卒於官謚曰襄道產子延孫孝武初位侍中封東昌縣侯累遷尚書右僕射金紫光祿大夫出爲南徐州刺史卒謚文穆

劉勔字伯猷彭城安土里人祖懷義父隸之位並郡

徐州府志

卷十八

人物

十五

銅

守勔少有志節兼好文義家貧仕宋初爲廣州增城令稍遷鬱林太守大明初還都徐州刺史劉道隆請爲寧朔司馬竟陵王誕據廣陵爲逆勔隨道隆受沈慶之節度事平封金城縣五等爵侯明帝卽位豫州刺史殷琰反叛召勔還都致討時琰嬰城固守自始春至於窮冬勔內攻外禦戰無不捷善撫將帥以寬厚爲衆所依及琰請降勔約令三軍不得妄動城內士庶感悅還都封鄱陽縣侯受明帝顧命爲守尚書右僕射中領軍元徽初桂陽王休範爲亂奄至建鄴勔戰敗死之贈司空謚曰

昭

劉亮懷慎從孫少工刀盾以軍功封順陽縣侯歷梁益二州刺史在位廉儉所得公祿悉以還官明帝下詔褒美卒謚剛侯

孫棘彭城人宋大明五年發三五丁棘弟薩應充行坐違期不至棘詣郡辭列棘爲家長令弟不行罪應百死乞以身代薩薩又辭列自引太守張岱疑其不實以棘薩各置一處報云聽其相代並色喜甘心赴死棘妻許又寄語屬棘君當門戶豈可委罪小郎且大家臨亡以小郎屬君竟未妻娶家道不立君已有二兒死復何恨岱依事表上孝武詔特原罪州加辟命并賜帛二十四匹

南齊

劉俊字士操勔子仕齊爲領軍將軍司州刺史父勔於大航戰死俊時遇疾扶伏路次求勔屍勔屍頂後傷缺俊拔髮補之持喪墓側冬月不衣絮以父死朱雀航終身不由其路明帝崩東昏侯卽位改授散騎常侍郎驍騎將軍衛送山陵路經朱雀航感慟至曲阿而卒

劉繪字士章勔少子仕齊爲著作郎歷洗馬南康相

後爲中書郎永明末都下人士盛爲文章談義皆
湊竟陵西邸繪爲後進領袖官至大司馬從事中
郎弟瑱字士温少有行業文藻篆隸丹青並爲當
世所稱仕齊歷尚書吏部郎義興太守

梁

到漑字茂灌彦之曾孫祖仲度江夏王從事中郎父
坦齊中書郎漑少孤貧與兄沼弟洽俱知名爲任
昉所賞仕梁起家王國左常侍歷太子中庶子湘
東王爲會稽太守以漑爲輕車長史行府郡事武
帝敕王曰到漑非直爲汝行事足爲汝師遭母憂

徐州府志

卷十八

人物

十七

銅

居喪盡禮服闋猶蔬食布衣者累載歷散騎常侍
侍中國子祭酒所蒞以清白自修性又率儉不好
聲色虛室單床傍無姬侍冠履十年一易朝服或
至穿補傳呼清路示有朝章而已漑素謹厚特被
高祖賞接每與對棊從夕達旦後因疾失明詔以
金紫光祿大夫就第養疾家門雍睦兄弟特相友
愛初與弟洽常共居一齋洽卒後便捨爲寺性不
好交游惟與朱异劉之遴張綰同志有集二十卷
行於世子鏡字圓照五歲便爲詩位太子舍人早
卒鏡子蓋早聰慧位尚書殿中郎嘗從高祖幸京

口登北顧樓賦詩受詔便就上覽以示漑曰蓋定是才子翻恐卿從來文章假手於蓋除丹陽尹丞太清亂赴江陵卒

到洽字茂汾漑弟清警有才學年十八爲南徐州迎西曹行事謝眺文章盛於一時見洽深相賞好每稱其資兼文武眺後爲吏部欲薦之洽覩世方亂深相拒絕遂築室巖阿幽居積歲任昉與洽兄沼漑並善嘗訪洽於田舍見之嘆曰此子曰下無雙遂中拜親之禮武帝嘗問待詔邱遲曰到洽何如沆漑遲對曰正清過於沆文章不減漑加以清言

殆將難及卽召爲太子舍人御華光殿詔洽及沆蕭琛任昉侍讌賦二十韻詩以洽辭爲工賜絹二十匹帝謂昉曰諸到可謂才子累遷太子中舍人掌東宮管記侍讀省置學士二人洽復充其選爲尚書吏部郎請託不行徙左丞準繩不避貴戚遷御史中丞號爲勁直出爲尋陽太守卒贈侍中謚曰理子有文集行於世子仲舉字德音陳天嘉中累官侍中尚書僕射封建昌縣侯

到沆字茂溼彥之曾孫父攜齊五兵尚書沆幼聰敏五歲時攜於屏風抄古詩沆請教讀一遍便能誦

諷及長勤學善屬文工篆隸美風神容止可悅梁天監初爲征虜主簿東宮建爲太子洗馬武帝讌華光殿命羣臣賦詩獨詔沆爲二百字三刻便成沆於坐立奏其文甚美尋爲殿中曹侍郎此曹以文才選沆從父兄溉洽並有才名時皆相代爲之見榮當世沆爲人謙敬口不論人短與任昉范雲友善卒於北中郎諮議叅軍所著詩賦百餘篇

劉苞字孝嘗勔之孫也父愜齊太子中庶子苞四歲而孤至六七歲世叔父俊繪等並顯貴苞見之輒泣其母謂其畏憚怒之苞曰早孤不識父聞諸父

多與父類故心中悲耳因而歔歔母亦悲慟奉其母最孝嘗爲扇席温枕母及兩兄相繼亡經營墓所不資諸父仕至太子洗馬侍講壽光殿以文藻見知多預讌坐居官有能名性和而直與人交情無所隱天監十年卒時年三十

劉孝綽字孝綽繪之子七歲能屬文舅王融稱爲神童父黨沈約任昉范雲等尤相賞天監初起家著作佐郎嘗侍梁武帝宴作詩七首帝篇篇嗟賞遷秘書丞帝謂周捨曰第一官當知用第一人故以孝綽居此職官至秘書監孝綽少有盛名而仗氣

負才由此多忤於物前後五免文集數十萬言行於時兄弟及羣從子侄當時有七十人並能屬文近古未之有也

劉潛字孝儀孝綽弟幼孤與兄弟相勗以學並工屬文孝綽嘗曰三筆六詩三卽孝儀六謂孝威也天監五年舉秀才累遷尚書殿中郎敕令製雍州平等寺金像碑文甚宏麗晉安王出鎮襄陽引爲安北功曹史王爲皇太子仍補洗馬遷中舍人出爲陽羨令甚有稱績後爲中書郎累遷尚書左丞兼御史中丞在職彈糾無所顧望當時稱之出爲臨

海太守綏撫境內風俗大革終豫章內史孝儀爲人寬厚內行尤篤第二兄孝能早卒孝儀事寡嫂甚謹未嘗尖禮世以此稱之有文集二十卷行於世第五弟孝勝歷官右丞兼散騎常侍元帝時爲司徒右長史第六弟孝威氣調爽逸風儀俊舉初爲安北晉安王法曹後爲太子洗馬中舍人庶子率更令並掌管記大同九年白雀集東宮孝威上頌其辭甚美太清中兼通事舍人侯景亂隨柳仲禮至安陸卒第七弟孝先武陵王主簿與兄孝勝俱隨武陵王軍出峽口兵敗元帝以爲黃門侍郎

劉孺字孝稚俊子幼聰敏能屬文年十四居喪毀瘠骨立叔父瑱嘗置坐側謂賓客曰此吾家明珠也仕梁起家中軍法曹行叅軍遷太子中舍人嘗在御坐爲李賦受詔便成文不加點武帝甚嘆賞之遷中書郎散騎常侍大同五年授吏部尚書出爲晉陵太守在郡和理爲吏民所稱入爲侍中復爲吏部尚書母憂以毀卒謚曰孝

劉覽字孝智孺弟十六通老子易位中書郎以所生母憂廬於墓嘗再晷不嘗鹽酪食麥粥而已隆冬止著單布衣家人慮不勝喪中夜竊置炭於牀下

覽因暖得寐及覺知之號慟嘔血梁武帝聞其至性數使省視服闋除尚書左丞當官清正無所私出爲始興內史居都尤勵清節復爲左丞卒覽弟遵字孝陵少清雅有學行爲晉安王綱宣慰雲麾二府記室甚見賔禮王爲皇太子仍除中庶子卒官皇太子深悼惜之

劉孝孫彭城人博學通敏仕多不遂嘗嘆曰古人或聞一說而致卿相立談間而降白璧書籍妄耳劉慧斐字文宣彭城呂縣人父元真淮南太守慧斐少博學能屬文起家安成王法曹行叅軍嘗還都

途經尋陽遊匡山過處士張孝秀相得甚歡遂有終焉之志因不仕居於東林寺又於山北構園一所號曰離垢園時人乃謂爲離垢先生慧斐尤明釋典工篆隸在山手寫佛經二千餘卷簡文臨江州遣以几杖論者云自遠法師沒後將二百年始有張劉之盛元帝及武陵王等書問不絕大同二年卒

劉曇淨字元光慧斐兄慧鏡子祖元眞居郡得罪慧鏡歷詣朝士乞哀懇惻甚至遂以孝聞仕至安成內史曇淨篤行有父風解褐安成王國左常侍父卒於郡曇淨奔喪不食飲者累日絕而又蘇每哭輒嘔血服闋因毀瘠成疾會有詔士姓各舉四科曇淨叔父慧斐舉以應孝行梁高祖用爲海寧令曇淨以兄未爲縣因以讓兄乃除安西行參軍父亡後事母尤淳至身營殮粥不以委人母疾衣不解帶及母亡水漿不入口者殆一旬母喪權座藥王寺時天寒曇淨身衣單布廬於座所晝夜哭泣不絕聲哀感行路未及期而卒

魏

劉芳字伯文彭城叢亭里人幼隨伯母避難北徙雖

處窮窘之中而業尚貞固聰敏過人篤志典墳書則傭書自給夜則誦經不寢孝文帝時爲中書侍郎授太子經芳才思深敏特精經義博聞強記兼覽蒼雅尤長音訓辨析無疑於是禮遇曰隆超遷國子祭酒齊將裴叔業入寇徐州疆場之人頗懷去就帝憂之以芳爲散騎常侍徐州大中正行徐州事後兼侍中宣武卽位遷中書令出除青州刺史還朝議定律令修正朝儀轉太常卿議郊社禮樂學者多歸宗焉所撰諸經音義甚多卒贈鎮東將軍徐州刺史謚曰文貞子懌字祖欣仕魏歷徐

州別駕兗州左軍府長史司空諮議叅軍屢爲行臺出使所歷皆有當官之稱累遷安南將軍大司農卿卒贈徐州刺史謚曰簡

劉僧利芳族兄輕財通俠甚得鄉情孝文幸徐州引見善之拜徐州別駕遷沛郡大守後遂從容鄉里不樂臺官積十餘年徵拜輕車將軍羽林監卒官劉懋字仲華芳從子聰敏好學博綜經史善草隸書識奇字宣武初入朝位尚書外兵郎中芳甚重之凡所撰定朝廷軌儀皆與叅量尚書博議懋與殿中郎袁翻常爲議主達於從政臺中疑事咸所訪

決領考課郎中立法甚有條貫清河王懌爲宰相禮懋尤重令諸子師之遷太尉司馬卒家徒四壁而已贈南秦州刺史謚宣簡所製詩文見稱於時又撰諸品物造作之始一十五卷名曰物祖

劉元孫懋從叔養志邱園不求聞達孝文幸彭城起家拜蘭陵太守治以清靜爲名卒官子長文爲南兗州長史帶譙郡太守被圍糧竭固節全城以功賜下邑子遷魯郡太守

鄭長猷本滎陽人父演仕宋爲琅邪太守與薛安都降魏爲彭城太守遂家彭城長猷初爲東平太守

轉沛郡入爲主客郎中襲父封雲陽伯孝文南伐旣克宛城拜長猷南陽太守詔曰昔曹公克荊州留滿寵於後朕今委卿此郡兼統戎馬非直綏初附以扞城相託尋徵爲護軍長史後任城王爲揚州刺史詔長猷爲諮議叅軍轉徐州武昌王長史帶彭城內史徵拜諫議大夫遷通直散騎常侍永平末卒謚曰貞

劉凝之彭城人仕宋位起部郎及齊受禪奔魏以忠烈自比伍員因賜姓員終鎮西將軍平涼郡公其後遂家齊州之全節唐學士員半千其十世孫也

見唐書員
半千傳

劉廐字景興芳次子好學疆立與靈太后兄弟往還相好太后令廐以詩賦授弟元吉孝莊初除國子祭酒以本官行徐州事孝武帝初復領國子祭酒帝於顯陽殿講孝經廐爲執經風采音旨足有可觀尋遷殿中尚書後爲高歡所害子隲位徐州開府從事中郎廐死隲率鄉部赴兗州與刺史樊子鵠抗禦王師每戰流涕突陳城陷擒送晉陽高歡矜而赦之後爲中書舍人時與梁和隲前後受敕專對梁使十六人官至司徒長史

徐州府志

卷十八

人物

二十五

銅

劉粹芳第五子徐州別駕朱衣直閤粹少尚氣俠兄廐死粹招合部曲就兗州刺史樊子鵠謀應關西城陷死之

劉世明字伯楚僧利次子頗涉書傳自奉朝請稍遷蘭陵太守彭城內史屬刺史元法僧以城外叛遂送於梁梁欲加封爵固辭不受頻請乞還聽之孝明時徵爲諫議大夫孝莊末除南兗州刺史時爾朱氏亂政城民王乞得逼劫世明據州歸梁封開國縣侯征西大將軍郢州刺史復辭不受固請北歸旣還歸鄉里不復入朝

孫道登彭城呂縣人魏永安初爲梁將韋休等所獲
面縛臨卞巡遶村塢令其招降鄉曲道登厲聲倡
呼但當努力賊無所能遂見屠戮朝廷遣使弔祭
賜五等子爵聽子弟承襲

北齊

劉逖字子長芳之孫少聰敏魏末爲永安公府參軍
發憤自勵專精讀書留心文藻頗工詩詠仕齊至
給事黃門侍郎聘周使副二國始通禮儀未定逖
與周朝議論往復斟酌古今事多合禮兼文辭可
觀甚得名譽使還拜儀同三司後與崔季舒等同
元道有人品識用定州騎兵參軍

鄭抗字子信彭城人有文學武平末兼左右郎中待
詔文林館

隋

劉宏字仲遠彭城叢亭里人少好學有行檢重 槩
仕齊行臺郎中襄城沛郡穀陽三郡太守西楚州
刺史及齊亡周武帝以爲本郡太守及隋文帝平
陳以行軍長史從總管吐萬緒度江以功加上儀

封獲澤縣公尹泉州刺史會高知慧作亂以兵
攻州 城守百餘日救兵不至前後出戰死亡大
半糧盡與士卒數百人煮犀角腰帶及剝樹皮而
食之一無離叛賊欲降之 抗節彌厲城陷爲賊
所害文帝聞而嘉歎賜物三千段子長信襲其官
爵

劉士雋彭城人性至孝丁母喪絕而復蘇勺飲不入
口者七日廬於墓側負土成墳列植松柏虎狼馴
擾爲之取食隋文帝受禪表其門

劉顓字君卿逖從子祖廡爲齊神武所殺顓父濟及
濟弟竣俱奔江南後皆北還顓好文學工草書風
儀甚美歷瀛州外兵參軍司空功曹待詔文林館
除大理司直隋開皇中卒

劉子翊彭城叢亭里人父遍齊徐州司馬子翊少好
學頗解屬文性剛蹇有吏幹大業中爲治書侍御
史每朝廷疑議子翊爲之辨析多出衆人意表從
幸江都因切諫忤旨出爲丹陽留守尋遣於上江
督運爲賊吳棊子所虜子翊說之因以衆降會煬
帝被弑賊又請以爲主不從因執至臨川城下使
告城中云帝崩子翊反其言於是見害

徐州府志卷之十八全

徐州府志

卷十八

人物

二十八

銅